

Përmirësimet vjetore në SNRF-të
Periudha 2014-2016

Ndryshimet në SNRF1 *Adoptimi për Herë të Parë i Standardeve Ndërkombëtare të Raportimit Financiar*

Paragrafët 39L dhe 39T janë ndryshuar, paragrafët 39D, 39F dhe 39AA janë fshirë dhe është shtuar paragrafi 39AD. Teksti i fshirë është vijëzuar në mes dhe teksti i ri është nënvizuar.

Data e hyrjes në fuqi

- ...
- 39D [Fshirë] ~~*Përfashtimi i kufizuar nga Dhënia e Informacioneve Shpjeguese Krahasuese Sipas SNRF 7 për Adoptuesit për Herë të parë (Ndryshime për SNRF 1), publikuar në Janar 2010, shtoi paragrafin E3. Një njësi ekonomike do të zbatojë këtë ndryshim për periudhat vjetore që fillojnë më 1 korrik 2010 e në vijim. Lejohet zbatimi përpara kësaj date. Nëse një njësi ekonomike e zbaton ndryshimin për një periudhë më të hershme ajo duhet ta paraqesë këtë fakt.*~~
- ...
- 39F [Fshirë] ~~*Informacione shpjeguese – Transferime të Aktiveve Financiare (Ndryshime në SNRF 7), publikuar në tetor 2010, shtoi paragrafin E4. Një njësi ekonomike duhet të zbatojë këtë ndryshim për periudhat vjetore që fillojnë më 1 korrik 2011 e në vijim. Lejohet zbatimi përpara kësaj date. Nëse një njësi ekonomike e zbaton ndryshimin për një periudhë më të hershme ajo duhet ta paraqesë këtë fakt.*~~
- ...
- 39L SNK 19 *Përfitimet e Punonjësve* (siç është ndryshuar në qershor 2011) ndryshoi paragrafin D1, dhe fshiu paragrafët D10 dhe D11 dhe shtoi paragrafin E5. Një njësi ekonomike do të zbatojë këto ndryshime kur ajo të zbatojë SNK 19 (siç u ndryshua në qershor 2011).
- ...
- 39T *Njësitë ekonomike investuese* (Ndryshime në SNRF 10, SNRF 12, dhe SNK 27), publikuar në Tetor 2012, ndryshuan paragrafët D16, D17 dhe Shtojcën C ~~dhe shtuan një titull dhe paragrafët E6–E7.~~ Një njësi ekonomike duhet të aplikojë këto amendamente për periudhat vjetore që fillojnë në ose pas datës 1 Janar 2014. Aplikimi më i hershëm i *Njësive Ekonomike Investuese* është i lejuar. Në qoftë se një njësi ekonomike aplikon këto amendamente më herët, ajo duhet të aplikojë të gjitha amendamentet e përfshira në *Njësitë Ekonomike Investuese* në të njëjtën kohë.
- ...
- 39AA [Fshirë] ~~*Përmirësimet vjetore të SNRF-ve Cikli 2012–2014, publikuar në shtator 2014, shtuan paragrafin E4A. Njësia ekonomike duhet ta zbatojë këtë ndryshim për periudhat vjetore që fillojnë më 1 Janar 2016 ose më pas. Lejohet zbatimi më i hershëm. Nëse një njësi ekonomike zbaton ndryshimin për një periudhë më të hershme, ajo duhet të japë informacione shpjeguese për këtë fakt.*~~
- ...
- 39AD *Përmirësimet vjetore të SNRF-ve Cikli 2014–2016, të publikuara në Dhjetor 2016, ndryshuan paragrafët 39L dhe 39T dhe fshinë paragrafët 39D, 39F, 39AA dhe E3–E7. Një njësi ekonomike do të zbatojë këto ndryshime për periudhat vjetore nga 1 janar 2018 e në vazhdim.*

Në Shtojcën E janë fshirë paragrafët E3-E7 dhe titujt përkatës.

Shtojca E Përjashtime afatshkurtra nga SNRF-të

Kjo shtojcë është pjesë përbërëse e kësaj SNRF.

...

Informacione shpjeguese mbi instrumentet financiare

- E3 [Fshirë] Një miratues për herë të parë mund të zbatojë dispozitat e kalimit në paragrafin 44G të SNRF 7.²
- 2 Paragrafi E3 u shtua si rrjedhojë e Përjashtimit të Kufizuar nga Dhënia e Informacioneve Shpjeguese Krahase sipas SNRF 7 për Zbatuesit për Herë të Parë (Ndryshime të SNRF 1) publikuar në Janar 2010. Për të shmangur përdorimin e mundshëm të perceptimeve dhe për të siguruar se zbatuesit për herë të parë të mos jenë në një situatë të pafavorshme në krahasim me përgatitësit aktualë të SNRF ve, Bordi vendosi që zbatuesit për herë të parë të lejohen të përdorin të njëjtën dispozitë kalimtare që lejohet për përgatitësit ekzistues të pasqyrave financiare të përgatitura në përputhje me SNRF të që janë përfshirë në *Përmirësimi i Dhënies së Informacioneve Shpjeguese për Instrumentet Financiarë* (Ndryshime të IFRS 7).
- E4 [Fshirë] Një miratues për herë të parë mund të zbatojë dispozitat e kalimit në paragrafin 44G të SNRF 7.³
- 30 Paragrafi E4 u shtua si pasojë e Informacionit Shpjegues Transferimet e aktiveve financiare (Ndryshime të SNRF 7) publikuar në tetor 2010. Për të shmangur përdorimin e mundshëm të perceptimeve dhe për të siguruar se zbatuesit për herë të parë të mos jenë në një situatë të pafavorshme në krahasim me përgatitësit aktualë të SNRF ve, Bordi vendosi që zbatuesit për herë të parë të lejohen të përdorin të njëjtën dispozitë kalimtare që lejohet për përgatitësit ekzistues të pasqyrave financiare të përgatitura në përputhje me SNRF të që janë përfshirë në *Dhënien e Informacioneve Shpjeguese për Instrumentet Financiarë* (Ndryshime të IFRS 7).
- E4A [Fshirë] Një miratues për herë të parë mund të zbatojë dispozitat kalimtare të paragrafit 44AA të SNRF 7.

Përfitimet e punonjësve

- E5 [Fshirë] Një miratues për herë të parë mund të zbatojë dispozitat e kalimit në paragrafin 173 (b) të SNK 19.

Njësitë ekonomike investuese

- E6 [Fshirë] Një miratues për herë të parë që është shoqëri mëmë do të vlerësojë nëse është një njësi ekonomike investuese, siç përcaktohet në SNRF 10, në bazë të fakteve dhe rrethanave që ekzistojnë në datën e kalimit në SNRF.
- E7 [Fshirë] Një miratues për herë të parë që është njësi ekonomike investuese siç përcaktohet në SNRF 10, mund të aplikojë dispozitat kalimtare në paragrafët C3C-C3D të SNRF 10 dhe paragrafët 18C-18G të SNK 27 në qoftë se pasqyrat e para financiare të tij sipas SNRF janë për periudhën vjetore që përfundon në ose më parë se 31 Dhjetor 2014. Referencat në këto paragrafë për periudhat vjetore që i paraprijnë menjëherë datës së aplikimit fillestar duhet të lexohen si periudhat vjetore më të hershme të paraqitura. Si pasojë, referencat në këto paragrafë duhet të lexohen si data e kalimit në SNRF.

Ndryshime të SNRF 12 *Dhënia e informacionit shpjegues mbi interesat në njësitë e tjera ekonomike*

Paragrafi 5A është shtuar.

Objekti

...
5A Me përjashtim sa përshkruhet në paragrafin B17, kërkesat në këtë SNRF zbatohen për interesat e një njësie ekonomike të renditura në paragrafin 5, që janë klasifikuar (ose të përfshira në një grup të nxjerrë jashtë përdorimit që është klasifikuar) si i mbajtur për shitje ose si operacione jo te vijueshme, në përputhje me SNRF 5 *Aktivitet Afatgjatë të Mbajtura për Shitje dhe veprimtaritë e ndërprera*.
...

Në shtojcën B, është shtuar paragrafi B17. Teksti i fshirë është vijëzuar në mes dhe teksti i ri është nënvizuar.

Informacioni përmbledhës financiar për filialet, sipërmarrjet e përbashkëta dhe pjesëmarrjet (paragrafët 12 dhe 21)

...
B17 Kur interesi i një njësie ekonomike në një filial, në një sipërmarrje të përbashkët ose në një pjesëmarrje (ose një pjesë e interesit të saj në një sipërmarrje të përbashkët ose në një pjesëmarrje) është klasifikuar (ose i përfshirë në një grup të nxjerrë jashtë përdorimit që është i klasifikuar) si i mbajtur për shitje në përputhje me SNRF 5 *Aktivitet Afatgjatë të Mbajtura për Shitje dhe veprimtaritë e ndërprera*, nuk është e nevojshme që njësia ekonomike të japë informacion përmbledhës financiar për këtë filial, sipërmarrje të përbashkët ose pjesëmarrje në përputhje me paragrafët B10-B16.

Në shtojcën C është shtuar paragrafi C1D.

Data e hyrjes në fuqi dhe dispozita kalimtare

...
C1D *Përmirësimet vjetore të SNRF-ve Cikli 2014-2016*, të publikuara në Dhjetor 2016, kanë shtuar paragrafin 5A dhe kanë ndryshuar paragrafin B17. Një njësi ekonomike do të aplikojë këto ndryshime në mënyrë retrospektive në përputhje me SNK 8 *Politikat Kontabël, Ndryshimet në Vlerësimet Kontabël dhe Gabimet*, për periudhat vjetore që fillojnë në 1 janar 2017 e në vazhdim.
...

Ndryshimet në SNK 28 *Investimet në pjesëmarrjet dhe në sipërmarrjet e përbashkëta*

Paragrafët 18 dhe 36A janë ndryshuar dhe është shtuar paragrafi 45E. Teksti i fshirë është vijëzuar në mes dhe teksti i ri është nënvizuar.

Përfshirjet nga zbatimi i metodës së kapitalit neto

- ...
- 18 Kur një investim në një pjesëmarrje ose një sipërmarrje të përbashkët është mbajtur nga, ose mbahet në mënyrë të tërthortë, nëpërmjet një njësie ekonomike që është një organizatë sipërmarrje kapitali ose një fond i përbashkët, njësi besimi dhe njësi ekonomike e ngjashme, përfshirë investimet e lidhura me fondet e sigurimeve, njësia ekonomike mund të zgjedhë të matë këtë investim ~~në këto pjesëmarrje dhe sipërmarrje të përbashkëta~~ me vlerën e drejtë nëpërmjet fitimit ose humbjes në përputhje me SNRF 9. Një njësi ekonomike do të bëjë këtë zgjedhje veçmas për çdo pjesëmarrje apo sipërmarrje të përbashkët, në njohjen fillestare të pjesëmarrjes ose sipërmarrjes së përbashkët.
- ...

Procedurat e metodës së kapitalit neto

- ...
- 36A Pavarësisht nga kërkesat e paragrafit 36, nëse një njësi ekonomike që nuk është vetë një njësi ekonomike investuese ka interesa në një pjesëmarrje ose sipërmarrje të përbashkët e cila është njësi ekonomike investuese, gjatë zbatimit të metodës së kapitalit neto njësia mund të zgjedhë të mbajë matjen me vlerën e drejtë të përdorur nga njësia ekonomike investuese pjesëmarrëse ose sipërmarrje e përbashkët për interesat e kësaj të fundit në filiale. Kjo zgjedhje bëhet veçmas për çdo njësi ekonomike investuese në pjesëmarrje apo sipërmarrje të përbashkët, në datën më të vonë në të cilën (a) njësia ekonomike investuese në pjesëmarrje apo sipërmarrje të përbashkët është njohur fillimisht; (b) pjesëmarrja apo sipërmarrja e përbashkët bëhet një njësi ekonomike investuese; dhe (c) njësia ekonomike investuese në pjesëmarrje ose sipërmarrje të përbashkët bëhet një mëmë për herë të parë.
- ...

Data e hyrjes në fuqi dhe dispozita kalimtare

- ...
- 45E Përmirësimet vjetore të SNRF-ve Cikli 2014-2016, të publikuara në Dhjetor 2016, kanë ndryshuar paragrafët 18 dhe 36A. Një njësi ekonomike do të zbatojë këto ndryshime në mënyrë retrospektive në përputhje me SNK 8 për periudhat vjetore që fillojnë më 1 janar 2018 e në vijim. Lejohet zbatimi përpara kësaj date. Nëse një njësi ekonomike i zbaton këto ndryshime për një periudhë më të hershme, ajo duhet të japë informacione shpjeguese për këtë fakt.